

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

বুধবার, মার্চ ২৫, ১৯৯২

গণপ্রজাতন্ত্রী বাংলাদেশ সরকার  
শ্রম ও জনশক্তি মন্ত্রণালয়  
সাধারণ শাখা  
প্রজ্ঞাপন

ঢাকা, ১০ই চৈত্র, ১৩৯৮/২৪শে মার্চ, ১৯৯২।

এস.আর.ও. নং ৬৫-আইন/৯২ সাধারণ/এ-১১/৯০-গণপ্রজাতন্ত্রী বাংলাদেশের সংবিধানের ১৩৩ অনুচ্ছেদের শর্তাংশে প্রদত্ত ক্ষমতাবলে রাষ্ট্রপতি, উক্ত সংবিধানের ১৪০(২) অনুচ্ছেদের বিধান মোতাবেক বাংলাদেশ সরকারী কর্মকমিশনের সহিত পরামর্শক্রমে, নিম্নরূপ বিধিমালা প্রণয়ন করিলেন।

১। সংক্ষিপ্ত শিরনামা।— এই বিধিমালা শ্রম ও জনশক্তি মন্ত্রণালয়ের প্রস্থাগারিক নিয়োগ বিধিমালা-১৯৯২ নামে অভিহিত হইবে।

২। সংজ্ঞা।—বিষয় কিংবা প্রসংগের পরিপন্থী কিছুর না থাকিলে, এই বিধিমালার—

- (ক) “কমিশন” অর্থ বাংলাদেশ সরকারী কর্মকমিশন;
- (খ) “তফসিল” অর্থ এই বিধিমালার সহিত সংযোজিত তফসিল;
- (গ) “নিয়োগকারী কর্তৃপক্ষ” অর্থ সরকার অথবা সরকার কর্তৃক ক্ষমতা প্রদত্ত যে কোন কর্মকর্তা;
- (ঘ) “প্রয়োজনীয় যোগ্যতা” অর্থ তফসিলে উল্লিখিত যোগ্যতা;
- (ঙ) “শিক্ষানবিস” অর্থ প্রস্থাগারিক পদে শিক্ষানবিস হিসাবে নিযুক্ত কোন ব্যক্তি;
- (চ) “অনুমোদিত বিশ্ববিদ্যালয়” অর্থ আপাততঃ বলবৎ কোন আইনের দ্বারা বা আইনের অধীনে প্রতিষ্ঠিত কোন বিশ্ববিদ্যালয় এবং এই বিধিমালার উদ্দেশ্য পূরণকল্পে, কমিশনের সহিত পরামর্শক্রমে, সরকার কর্তৃক অনুমোদিত বলিয়া ঘোষিত অন্য কোন বিশ্ববিদ্যালয় ইহার অন্তর্ভুক্ত হইবে।

( ৫২৬৭ )

মূল্য : টাকা ২-০০

৩। নিয়োগ পদ্ধতি।—(১) তফসিলে বর্ণিত বিধান সাপেক্ষে, সরাসরি নিয়োগের মাধ্যমে গ্রন্থাগারিক নিয়োগ করা যাইবে।

(২) কোন ব্যক্তিকে গ্রন্থাগারিক পদে নিয়োগ করা হইবে না যদি তন্জন্য তাহার প্রয়োজনীয় যোগ্যতা না থাকে এবং তাহার বয়স তফসিলে উল্লিখিত বয়স সীমার মধ্যে না হয়।

(৩) গ্রন্থাগারিক পদে সরাসরি নিয়োগের জন্য কোন ব্যক্তি যোগ্য বলিয়া বিবেচিত হইবে না, যদি তিনি—

- (ক) বাংলাদেশের নাগরিক না হন, অথবা বাংলাদেশের স্থায়ী বাসিন্দা না হন, অথবা বাংলাদেশের ডমিসাইল না হন, অথবা
- (খ) এমন কোন ব্যক্তিকে বিবাহ করেন অথবা বিবাহ করিবার জন্য প্রতিশ্রুতিবদ্ধ হন, যিনি বাংলাদেশের নাগরিক নহেন;

(৪) গ্রন্থাগারিক পদে সরাসরি নিয়োগ করা হইবে না, যদি—

- (ক) নিয়োগের জন্য বাছাইকৃত ব্যক্তির স্বাস্থ্য পরীক্ষার উদ্দেশ্যে স্বাস্থ্য অধিদপ্তরের মহা-পরিচালক কর্তৃক গঠিত মেডিক্যাল বোর্ড অথবা তৎকর্তৃক মনোনীত কোন মেডিক্যাল অফিসার এই মর্মে প্রত্যয়ন না করেন যে, উক্ত ব্যক্তি স্বাস্থ্যগতভাবে, অনুরূপ পদে নিয়োগযোগ্য এবং তিনি এইরূপ কোন দৈহিক এবং মানসিক বৈকল্যে ভুগিতেছেন না, যাহা উক্ত পদের দায়িত্ব পালনে কোন ব্যাঘাত সৃষ্টি করিতে পারে; এবং
- (খ) এইরূপ বাছাইকৃত ব্যক্তির পূর্ব পরিচয় যথাযোগ্য সংস্থার মাধ্যমে তদন্ত না হইয়া থাকে বা তদন্তের ফলে দেখা যায় যে, প্রজাতন্ত্রের চাকুরীতে নিযুক্তির জন্য তিনি উপযুক্ত নহেন।

(৫) কোন ব্যক্তিকে গ্রন্থাগারিক পদে নিয়োগের জন্য সুপারিশ করা হইবে না, যদি তিনি—

- (ক) উক্ত পদের জন্য কমিশন বা নিয়োগকারী কর্তৃপক্ষ কর্তৃক দরখাস্ত আহ্বানের বিজ্ঞপ্তিতে নির্ধারিত ফিস (যদি থাকে) সহকারে এবং উহাতে নির্ধারিত ফরমে ও নির্ধারিত তারিখের মধ্যে দরখাস্ত দাখিল না করেন; এবং
- (খ) সরকারী চাকুরী কিংবা কোন স্থানীয় কর্তৃপক্ষের চাকুরীতে নিয়োজিত থাকা সঙ্গেও স্থায়ী উদ্বৃত্তন কর্তৃপক্ষের মাধ্যমে দরখাস্ত দাখিল না করেন।

৪। শিক্ষানবিস।—(১) স্থায়ী শূন্য গ্রন্থাগারিক পদের বিপরীতে নিয়োগের জন্য বাছাইকৃত ব্যক্তিকে নিয়োগের তারিখ হইতে দুই বৎসরের জন্য শিক্ষানবিস হিসাবে নিয়োগ করা হইবে:

তবে শর্ত থাকে যে, নিয়োগকারী কর্তৃপক্ষ, কারণ লিপিবদ্ধ করিয়া শিক্ষানবিসের মেয়াদ এককালীন বা সর্বসাকুল্যে দুই বৎসর পর্যন্ত বর্ধিত করিতে পারে।

(২) যে ক্ষেত্রে শিক্ষানবিসের মেয়াদ চলাকালে নিয়োগকারী কর্তৃপক্ষ মনে করেন যে, তাহার আচরণ ও কাজকর্ম সন্তোষজনক নহে, কিংবা তাহার কর্মদক্ষ হওয়ার সম্ভাবনা নাই, সেই ক্ষেত্রে নিয়োগকারী কর্তৃপক্ষ শিক্ষানবিসের চাকুরী অবসান ঘটাইতে পারিবেন।



(৩) শিক্ষানবিসির মেয়াদ, বর্ধিত মেয়াদ থাকিলে তাহাসহ, সম্পূর্ণ হওয়ার পর নিয়োগকারী কর্তৃপক্ষ—

(ক) যদি এই মর্মে সন্তুষ্ট হন যে, শিক্ষানবিসির মেয়াদ চলাকালে কোন শিক্ষানবিসির আচরণ ও কাজকর্ম সন্তোষজনক ছিল, তাহা হইলে উপ-বিধি (৪)-এর বিধান সাপেক্ষে, তাহাকে চাকুরীতে স্থায়ী করিবেন; এবং

(খ) যদি মনে করেন যে, উক্ত মেয়াদ চলাকালে শিক্ষানবিসির আচরণ ও কাজকর্ম সন্তোষজনক ছিল না, তাহা হইলে তাহার চাকুরীর অবসান ঘটাইতে পারিবেন।

(৪) কোন শিক্ষানবিসিকে গ্রন্থাগারিক পদে স্থায়ী করা হইবে না, যতক্ষণ না সরকারী আদেশবলে, সময় সময়, যে পরীক্ষা ও প্রশিক্ষণের ব্যবস্থা করা হয়, সেই পরীক্ষায় তিনি পাশ করেন ও প্রশিক্ষণ গ্রহণ করেন।

### তফসিল

পদের নাম	সরাসরি নিয়োগের ক্ষেত্রে বয়সসীমা।	যোগ্যতা
গ্রন্থাগারিক (লাইব্রেরীয়ান)	অনুর্ধ্ব ৩০ বৎসর এবং বিশেষ ক্ষেত্রে সরকার কর্তৃক নির্ধারিত বয়সসীমা।	কোন অনুমোদিত বিশ্ববিদ্যালয় হইতে গ্রন্থাগার বিজ্ঞানে অন্যান ২য় শ্রেণীসহ স্নাতকোত্তর ডিগ্রী সম্পন্ন হইতে হইবে।  অথবা কোন অনুমোদিত বিশ্ববিদ্যালয় হইতে স্নাতক ডিগ্রী ও গ্রন্থাগার বিজ্ঞানে ডিপ্লোমা এবং দুই বৎসরের লাইব্রেরী কাজে অভিজ্ঞতা।

রাজপতির আদেশক্রমে

ডঃ এ. কে. এম. মাসিউর রহমান  
সচিব।

মোঃ সিদ্দিকুর রহমান, উপ-নিয়ন্ত্রক, বাংলাদেশ সরকারী মুদ্রণালয়, ঢাকা কর্তৃক মুদ্রিত।  
মোঃ আব্দুর রশীদ সরকার, উপ-নিয়ন্ত্রক, বাংলাদেশ ফরমস্ ও প্রকাশনী অফিস,  
জেজিলাও, ঢাকা কর্তৃক প্রকাশিত।